

# Vischnaunca da Trun

**Regulativ da santeri e da  
sepultura dalla vischnaunca  
da Trun**



2016

# CUNTEGN

<b>I. En general</b>		<b>pagina</b>
Art. 1	Intent	3
Art. 2	Dretg cantunal	3
Art. 3	Egualitad da schlatteinas	3
 <b>II. Organisaziun, menaschi e survigilanza</b>		
Art. 4	Proprietad	3
Art. 5	Survigilanza ed execuziun	3
Art. 6	Incumbensas	4
Art. 7	Cumissiun santeri	4
 <b>III. Uorden da sepultura</b>		
Art. 8	Metter el vischi	4
Art. 9	Transport da baras	4
Art. 10	Liug da sepultura	4
Art. 11	Lubientscha da sepultura	5
Art. 12	Preparativas da sepultura	5
Art. 13	Taxas da sepultura	5
 <b>IV. Uorden santeri</b>		
Art. 14	Register da fossas	5
Art. 15	Pusseivladads da satrar	5
Art. 16	Dimensiuns dallas fossas	6
Art. 17	Occupaziun dallas fossas e nischas	6
Art. 18	Ruaus da fossa	6
Art. 19	Exhumaziun	6
Art. 20	Sligiar fossas	6
Art. 21	Allontanaziun	7
Art. 22	Qualitad dils vischals	7
Art. 23	Monuments da fossa e ramas	7
Art. 24	Nischas d'urnas	8
Art. 25	Manteniment	8
Art. 26	Protecziun dil santeri	8
 <b>V. Disposiziuns finalas e penalas</b>		
Art. 27	Disposiziuns penalas	9
Art. 28	Vigur	9

**Quest regulativ sebasa sin:**

Art. 5 dalla lescha davart la higiena publica dil cantun Grischun dils 2 da december 1984 e l'ordinaziun cantunala davart ils fatgs da sepultura, relaschada dalla Regenza ils 27 d' october 1998.

**I. En general****Art. 1****Intent**

Il regulativ da santeri e da sepultura regla ils fatgs da santeri e sepultura, aschilunsch che quels crodan en la cumpetenzza dalla vischnaunca.

**Art. 2****Dretg cantunal**

Las ordinaziuns generalas obligontas dil dretg cantunal davart ils fatgs da santeri ein valeivlas, era sch'ellas ein buca numnadas explicitamein en quest regulativ.

**Art. 3****Egualitad da schlatteinas**

Las ordinaziuns en quest regulativ valan per persunas e funcziuns dad omisduas schlatteinas.

**II. Organisaziun, menaschi e survigilanza****Art. 4****Proprietad**

Ils santeris ein proprietad dalla vischnaunca politica da Trun.

**Art. 5****Survigilanza ed execuziun**

La survigilanza davart ils fatgs da sepultura e da santeri ei ina incumbensa dalla suprastonza communal. Ella ei responsabla per l'execuziun dil regulativ da sepultura e da santeri.

Ils usits dalla fracziun da Schlans ein resalvai (tenor art. 3 e 4 dil contract da fusiun).

**Art. 6****Incumbensas**

La suprastonza communal ha specialmein las suandontas incumbensas:

- a) relaschar las disposiziuns pil diever e manteniment dils santeris
- b) lubir ni ordinar la rumida suenter la scadenza dil ruaus da fossa
- c) dar lubientschas excepziunalas per satrar persunas d'ordeifer
- d) nominar e survegilar il persunal necessari pil survetsch dils santeris
- e) nominar ina persuna che cava las fossas

**Art. 7****Cumissiun santeri**

La cumissiun santeri secumpona da treis commembers (inclus il gerau responsabel). Ella ha las suandontas incumbensas:

- a) survegilar igl uorden en ils santeris
- b) survegilar la formaziun dils monuments, dallas cruschs fossa e dallas ramas
- c) menar il register da fossas tenor ils plans da santeri
- d) cussegliar la suprastonza communal en fatgs da santeri

**III. Uorden da sepultura****Art. 8****Metter el vischi**

Il defunct astga vegnir mess el vischi pér suenter ch'in medi praticont en Svizra ha constatau la mort.

Il vischi astga restar aviarts tochen cuort avon la sepultura, sch'ei vegn buc ordinau da serrar quel pli baul ord motivs medicinali ni perquei ch'il process da smarschida progressescha spert.

Pertuccont metter en vischi baras cun prighel d'infecziun valan las prescripziuns federalas.

**Art. 9****Transport da baras**

Il transport da baras ei caussa dalla parentella. Las prescripziuns specialas dalla confederaziun e dil cantun restan resalvadas.

**Art. 10****Liug da sepultura**

Tut ils defuncts morts sin territori dalla vischnaunca da Trun e tuttas baras anfladas sin quel han il dretg da vegnir satrai el santeri public.

Tuts che vegnan satrai el santeri public han il dretg sin ina digna sepultura.

**Art. 11****Lubientscha da sepultura**

Persunas che han buca domicil a Trun e ch'ei buca mortas ni anfladas mortas en vischnaunca, astgan vegnir satradas sulettamein cun ina lubientscha speciala dalla suprastanza communal da Trun.

**Art. 12****Preparativas da sepultura**

La canzlia communal ordinescha la preparaziun dalla fossa e pren en cass specials sco per exempel en cass da baras anfladas senza survivents tut las ordinaziuns per la sepultura.

**Art. 13****Taxas da sepultura**

Las taxas per la sepultura vegnan incassadas tenor l'ordinaziun da taxas per ils fatgs da santeri e da sepultura relaschada dil cussegl da vischnaunca.

**IV. Uorden santeri****Art. 14****Register da fossas**

Davart l'occupaziun dils santeris meina la cumissiun santeri in plan, el qual igl ei d'imputar dafertontier il num, il prenum, igl onn da naschientscha e mortori da tut ils satrai. Quei register da fossas ei da controllar dalla suprastanza communal.

**Art. 15****Pusseivladads da satrar**

Tenor ils plans da santeri, elaborai dalla suprastanza communal, dat ei las suandontas pusseivladads da satrar:

- a) en fossas en retscha
- b) en fossas d'urnas en retscha
- c) en nischas d'urnas (mo sin santeri a Trun)
- d) urnas en fossas existentas
- e) fossa comunabla (mo sin santeri a Trun)

Las fossas en retscha ein da metter en retscha successiva. Quei vala era per las fossas e nischas d'urnas.

**Art. 16****Dimensiuns dallas fossas**

La distanza denter las singulas fossas sto muntar silmeins a 30 cm.

Las fossas ston haver las suandontas profunditads minimalas:

- |  |        |
|--|--------|
| a) per personas carschidas ed affons sur 10 onns | 1.50 m |
| b) per affons sut 10 onns                        | 1.20 m |
| c) per urnas                                     | 0.80 m |

**Art. 17****Occupaziun dallas fossas e nischas**

Scadin vischi e scadina urna ein da satrar en ina fossa separada.

Sin giavisch dil defunct u dalla parentella sa la suprastonza communal lubir da satrar ina urna en ina fossa da retscha ni fossa d'urna. Igl oriund ruaus da fossa vegn buca prolungius cheutras. En las nischas d'urna sa mintgamai mo ina urna vegnir tschentada.

**Art. 18****Ruaus da fossa**

Il ruaus da fossa cuoza per fossas en retscha, fossas d'urna, urnas en nischas ed en fossa comunabla 20 onns.

Vegnan fossas allontanadas ni nischas d'urnas sligadas, ston eventuala ossa aunc existenta e sa la tschendra ord las urnas vegnir satrada dignamein en la proxima fossa da retscha cavada.

**Art. 19****Exhumaziun**

L'exhumaziun d'ina bara avon la spiraziun dil ruaus da fossa ei scumandada.

Per excepziuns ei il departament da giustia, polizia e sanidad cumpetents.

**Art. 20****Sligiar fossas**

Suenter in temps da ruaus da fossa da 20 onns, sa la suprastonza communal ordinar da sligiar ina part santeri. Quei duei vegnir communicau silmeins in meins avon als vegnentsuenter ni responsabels.

**Art. 21**

**Allontanaziun**

Sche l'allontanaziun succeda buca enteifer in termin fixau, vegn quella fatga per incarica dalla suprastonza communal entras tiarzas persunas sin donn e cuost dalla parentella.

La suprastonza communal dispona davart monuments da fossa ch'ei buca vegni menai naven ad uras.

**Art. 22****Qualitad dils vischals**

Per sepulturas eis ei da duvrar vischals da lenn lom. Ei la bara tier il vischi da lenn aunc enzugiada d'ina folia da metall ni da plastic, eis ei da procurar cuort avon il satrar a moda cunvegnetta ch'aria sufficienta hagi access alla bara.

**Art. 23****Monuments da fossa e ramas**

Pils monuments da fossas astga ei vegnir duvrau crap, lenn ni fier. Els astgan buca surmuntar la suandontas dimensiuns:

- |                       |          |        |
|-----------------------|----------|--------|
| a) Fossas da carschi: | altezia: | 1.20 m |
|                       | ladezia: | 0.60 m |
| b) Fossas d'affons:   | altezia: | 0.80 m |
|                       | ladezia: | 0.40 m |
| c) Fossas d'urnas:    | altezia: | 0.80 m |
|                       | ladezia: | 0.40 m |

Scadina fossa ei da proveder cun ina rama da crap che sto haver las suandontas mesiras:

- |                       |                 |
|-----------------------|-----------------|
| a) Fossas da carschi: | 1.40 m x 0.60 m |
| b) Fossas d'affons:   | 0.80 m x 0.45 m |
| c) Fossas d'urna:     | 0.80 m x 0.45 m |

Cruschs ni monuments specials drovan ina lubientscha dalla cumissiun santeri.

Il terren ordeifer la rama astga buca vegnir surplantaus.

Mintga segn fossa duei purtar num, prenum, onn da naschientscha ed onn dalla mort dil defunct.

Monuments e cruschs stablas astgan vegnir eregidas sil pli baul sis meins suenter la sepultura.

**Art. 24****Nischas d'urnas**

Las nischas d'urnas vegnan serradas cun plattas da crap che vegnan messas a disposiziun dalla vischnaunca.

Las plattas survegnan la suandonta inscripziun: Num, prenum, onn da naschientscha ed onn dalla mort dil defunct. Ellas astgan era haver in simbol che indichescha la religiun ni confessiun.

Las plattas vegnan montadas ed enscrettas dalla vischnaunca. Ils cuosts sedrezzan tenor ordinaziun da taxas dil regulativ da santeri e sepultura.

**Art. 25****Manteniment**

Tgi che posseda fossas, monuments da fossas e ramas ei obligaus da mantener quels en bien stan. En cass che l'obligaziun da mantener vegn negligida procura la suprastanza communal che quels vegnan mess en uorden e quei sin donn e cuost da quel ch'ei obligaus da mantener.

Igl ei scumandau da plantar plontas e caglias sin las fossas.

Zerclen e restonzas compostablas ein da deponer el liug previu.

Curdeims ein da dismetter sin basa privata.

Il manteniment digl ulteriur territori dils santeris ei caussa dalla vischnaunca.

**Art. 26****Protecziun dil santeri**

Igl access als santeris ei lubius ad in e scadin.

Scumandau ei specialmein:

- a) da far canera u da secuntener a moda disturbonta el santeri
- b) da donnegiar ni da tschuffergnar monuments da fossa sco era digl ulteriur santeri
- c) dad ir cun tgauns en santeri



**V. Disposiziuns finalas e penalas****Art. 27****Disposiziuns  
penalas**

Cuntravenziuns encunter quest'ordinaziun san vegnir punidas cun in castitg da frs. 50.-- tochen frs. 500.--.

L'execuziun dallas disposiziuns sin donn e cuost dil culpeivel sco era l'assegnaziun al derschader penal restan resalvadas.

La procedura sedrezza tenor las disposiziuns cantunales davart la procedura penala avon autoritads administrativas.

**Art. 28****Vigur**

Quei regulativ da sepultura e da santeri va en vigur tras l'acceptaziun dil cussegl da vischnaunca.

Approbau dil cussegl da vischnaunca en la sessiun dils 22 da schaner 2001 e revediu entras il cussegl da vischnaunca en la sessiun dils 25 da fenadur 2016.

**En num dalla suprastonza communal Trun**

Il president  
Dumeni Tomaschett



La actuara  
Sandra Gautschi